



## Մ Ա Յ Ր Հ Ա Յ Ր Ե Ն Ի Գ Ո Ւ Մ

### Լ Ո Ւ Ր Ե Ր Մ Ա Յ Ր Հ Ա Յ Ր Ե Ն Ի Գ Ի Ց

**Հայկական հանրագիտարան.**— Հայկական հանրագիտարան ստեղծելու հարցը վաղուց է դարձել Հայաստանի գիտությունների ակադեմիայի և մեր գիտական հասարակականության ուշադրության առարկան: Ներկայիս այդ հարցը արդեն գործնական ձև է ընդունել և գտնվում է վերջնական լուծման ճանապարհին:

Կազմված է հանրագիտարանի գլխավոր խմբագրություն ակադեմիկոս Վ. Համբարձումյանի նախագահությամբ: Խմբագրական մարմնի մեջ մտել են ակադեմիկոս գիտնականներ, արվեստի և գրականության գործիչներ: Ստեղծված են ենթախմբագրություններ՝ գիտության և արվեստի տարբեր բնագավառների համար:

Բազմաճյուղային աշխատությունը զույս քերելու համար, գլխավոր խմբագրությունը կուտակում է նյութեր հայ ժողովրդի պատմության, տնտեսության, գիտության և մշակույթի զարգացման վերաբերյալ: Հանրագիտարանին կաշխատակցեն մեր նշանավոր գիտնականները, արվեստի և գրականության մասնագետները, մշակույթի գործիչները:

**Սովետահայ գրականության պատմություն.**— Գիտությունների ակադեմիայի գրականության ինստիտուտը պատրաստել է և հրատարակել «Սովետահայ գրականության պատմություն» երկհատորանոց սովոր աշխատությունը: Վերջերս լույս տեսավ այդ արժեքավոր աշխատության երկրորդ հատորը, որն ընդգրկում է սովետահայ գրականությունը 1941—1964 թվականների ժամանակաշրջանում: Հատորում հանգամանորեն վերլուծված են ժամանակակից մեր բոլոր գրողների ստեղծագործությունները:

**Հովհաննես Դրասխանակերտցու աշխատությունը վրացերեն լեզվով.**— Վրաստանի գիտությունների ակադեմիան վերջերս լույս է ընծայել Հովհաննես

Դրասխանակերտցու «Հայոց պատմություն»-ը վրացերեն և գրաբար լեզուներով:

Հովհաննես Դրասխանակերտցին ասյրլ է Թ—Ժ դարերում: Նրա աշխատությունն ընդգրկում է 788—925 թվականներին Հայաստանում տեղի ունեցած դեպքերը: Աշխատությունն իր մեջ հետաքրքրական տեղեկություններ է պարունակում նաև Վրաստանի մասին:

Գիրքն ունի ընդարձակ նախաբան և ծանոթագրություններ, որոնք վերլուծում են Դրասխանակերտցու աշխատությունը և նշում, թե ի՞նչ նշանակություն ունի այդ աշխատությունը հին Հայաստանի պատմության ուսումնասիրության տեսակետից: Թարգմանության գլխավոր խմբագիրն է ակադեմիկոս Գ. Ծերեթեղին: Հայերեն աղբյուրների խմբագիրն է Ի. Արուլաձեն:

**Հայ բանաստեղծության հատընտիրը լեհերեն.**— Լեհաստանում վերջերս լույս են տեսել «Սասունցի Դավիթ» Էլյուսն ու Եղիշե Չարենցի բանաստեղծությունների ժողովածուն: Մեր լեհ բարեկամներն այժմ հրատարակության են պատրաստում հայ բանաստեղծության հատընտիրը, որն ամփոփելու է մեր բանաստեղծական ստեղծագործության լավագույն անմուշները՝ հնագույն ժամանակներից մինչև Սայաթ-Նովա: Հայաստանի սովետական գրողների միության վարչության նախագահության վերջերս Երևանում տեղի ունեցած նիստում ընտրվեց հանձնաժողով Հրաչյա Հովհաննիսյանի նախագահությամբ: Հանձնաժողովի կազմի մեջ են Ս. Զորյանը, Կ. Մեղիք-Օհանջանյանը, Ա. Մնացականյանը, Պ. Սևակը և Վ. Նալբանդյանը:

**Հայկական նոր քաղես.**— Հայ քաղեսային երաժշտության ցանկը հարստացավ մի նոր գործով: Վերջերս Ալեքսանդր Սպենդիարյանի անվան օպե-

րայի և բալետի պետական թատրոնը քեմադրեց Էդգար Հովհաննիսյանի «Հավերժական կուռք» քալետը, որի հիմքում մեծ սիրո լեգենդն է, Ապոլինի և Բյուրատի սիրո հաղթանակը:

«Հայկական հարցը» և միջազգային դիվանագիտությունը.— Երևանի պետական համալսարանի «Միտք» հրատարակչությունը լույս է ընծայել Ադա-սի Եսայանի «Հայկական հարցը» և «միջազգային դիվանագիտությունը» խորագիրը կրող աշխատությունը: Այն մեկնաբանում է 20-րդ դարի առաջին քառորդում հայ ժողովրդի ճակատագրին վերաբե-րող խնդիրները՝ կապված պատմական և համաշ-խարհային նշանակություն ունեցող անցքերի հետ, քննարկում է «Հայերի գեներացիոն և միջազգային դի-վանագիտությունը», «Հայկական հարցը» և Ազգերի լիգան», «Հայկական հարցը» և Սովետական Ռու-սաստանի հաշտարարական դերը Մերձավոր Արևել-քում ու Անդրկովկասում» հարցերը: Առաջին հա-մաշխարհային պատերազմի տարիներին «Հայկական հարց»-ի նկատմամբ արևմտյան մեծ տերություննե-րի անտարբեր վերաբերմունքով է բացատրում հե-լինակը բախտի այն դառն խաղը, որ վիճակվեց հայ ժողովրդի արևմտյան հատվածին:

Նվերներ շեքսպիրագիտական գրադարանին.— Օրեցօր ավելանում է Հայաստանի գիտությունների ակադեմիայի արվեստի ինստիտուտին կից հիմնա-դրված շեքսպիրագիտական գրադարանի նվիրատու անձանց ցանկը:

Ամերիկայի Միացյալ Նահանգների Էվանստոն քաղաքից Սուրեն Սարգսյանը վերջերս ուղարկել էր Շեքսպիրի կրկերի դարակզրին հրատարակված 40 հատորանոց արժեքավոր ժողովածուն:

Վերջերս Սիլյուսթամայության հետ մշակութային կապի կրիտիկի հասցեով տաացվեց այդ ժողովա-ծուն, որի մեջ ընդգրկված են մեծ դրամատուրգի բոլոր նշանավոր ստեղծագործությունները:

Շեքսպիրագիտական թանգարանին արժեքավոր գրքեր է ուղարկել նաև Տ. Բարսեմ Էսփիկոպուս Վարժապետյանը՝ Ամերիկայի Միացյալ Նահանգնե-րի Վինկլոզ քաղաքից:

Պատմական հուշարձանի փոխադրումը.—Ավարտ-ված է Ապարանի խոշոր ջրանցքի պատմելի կա-ռուցումը: Բառադի ջրերը արագորեն կուտակվում են, ողողելով շրջակայքը: Շուտով Ջովունի գյուղը կմնա զրոյ տակ: Զրամբարից հեռու կառուցվում է նոր գյուղ, որ պետք է տեղափոխվեն Ջովունու բնա-կիչները:

Բայց ինչպե՞ս վարվել գյուղի եկեղեցու հետ, որը Ե դարի հուշարձան է: Եկեղեցին կոչվում է Թուխ Մանուկ, բավական մեծ է և գրավում է շուրջ 200 քառակուսի մետր տարածություն:

Պատմական հուշարձանների պահպանության կո-միտեն և գիտությունների ակադեմիայի հնագիտու-թյան ինստիտուտը համատեղ ուժերով ձեռնամուխ են եղել պատմական այդ եկեղեցին փրկելու: Որոշ-ված է եկեղեցին քանդել և տեղափոխել գյուղի դի-

մացի բարձրագի ըրի վրա: Այս նպատակով շենքի բոլոր քարերը չափագրվում են, պեղումներ են կա-տարվում եկեղեցու ներսը և դուրսը: Պեղումների ժամանակ հայտնաբերվել են մի շարք արժեքավոր առարկաներ:

Պատմական թանգարանը հարստանում է՝ նոր նյութերով.—Վերջերս Հայաստանի պետական պատ-մական թանգարանը հարստացավ նոր, արժեքավոր նյութերով, որոնք կարևոր նշանակություն ունեն հայ ժողովրդի նյութական մշակույթի ուսումնասի-րության տեսակետից: Անցյալ 1985 թվականի ըն-թացքում ձեռք են բերվել շուրջ 500 կտոր լամբազան տեսակի իրեր: Իրանց մի զգալի մասը իրենց հետ բերել էին Սուրիայից ներգաղթած մուսալեմների հայերը: Իրևանի մեծ մասը ազգագրական բնույթ ու-նեն՝ հագուստներ, աշխատանքի և տնային գործա-ծության առարկաներ ու գործիքներ:

Պատմական արժեք ներկայացնող կենցաղային և ազգագրական բնույթի իրեր են ձեռք բերված Ար-մավիրի (Հյուսիսային Կովկաս), Նոր Նախիջևանի, ինչպես նաև Գալսիին ալաշկերտցի և վասպուրա-կանցի հայերից:

Թանգարանի համար նետաքրքրական նմուշներ են ուղարկել Ամերիկայի Միացյալ Նահանգների, Ֆրանսիայի, Իրանի և Բուլղարիայի հայերը: Նմուշ-ների մեջ կա մի համրիչ (թագրեն), որը պատկանել է պոլսեցի մտավորական Վարդերես Աթանասյա-նին: Համրիչը քաղկսցած է 99 կարմիր ուլունք-ներից: 1915 թվականին, երբ Վ. Աթանասյանը պոլ-սահայ մտավորականների հետ գտնվելիս է եղել Չանդլլրի բանտում, նա իր համրիչի յուրաքան-չյուր հատի՛կի վրա փորագրել է հայ կալանավոր-ների՝ այդ թվում Կոմիտասի, Վարուժանի և մյուս-ների անունները:

Երևանի նոր հատակագիծը.— 1924 թվականին նարտարապետ ակադեմիկոս Ալեքսանդր Թաման-յանը կազմեց Երևանի առաջին հատակագիծը: Այն ժամանակ քաղաքն ուներ 50 000 բնակիչ: Ա. Թա-մանյանի կազմած հատակագիծը նախատեսում էր Երևանի առավել զարգացումը. այն պիտի ունենար 150 000 բնակիչ:

Անցյալ 14 տարի և այդ թիվը գրեթե կրկնա-պատկվեց: 1938 թվականին կազմվեց մայրաքաղաքի նոր հատակագիծ, որը նույնպես կարճ ժամանա-կաշրջանում կորցրեց իր կարևորությունը և անկա-րող եղավ քաղաքային մայրաքաղաքի բուռն աճման պահանջներին: 1948 թվականին կազմվեց մի նոր հատակագիծ, ըստ որի նախատեսվում էր 1985 թվականին Երևանի բնակչության թիվը հասցնել 450 000-ի:

Ներկայիս Երևանն ունի շուրջ 700 000 բնակչու-թյուն: Պարզ է, որ վերջին հատակագիծը ևս իր նշանակությունը վաղուց կորցրել է: Մի քանի տա-րի է, ինչ կազմվում էր մայրաքաղաքի զարգաց-ման հատակագիծ-նախագիծը 15 տարվա համար՝ 1985-ից մինչև 1980 թվականը: Հատակագիծը վեր-



ջերս քննության առնվեց Երևանում՝ ՍՍՌՍ Պետշինհի ճարտարապետական կոմիտեի և Հայաստանի պետ- շինի համատեղ միտում ու արժանացավ միահա- մուռ հավանության:

Հստ նոր հատակագծի, հեռանկարում Երևա- նի բնակչությունը կհասնի 1 000 000-ի: Քա- ղաքը կունենա 9 շրջան, որոնք իրար հետ կկապ- վեն լայն երթուղիներով: Կենտրոնական մասերը կկառուցապատվեն բարձրաբերձ շենքերով, որոնք կկազմեն կառուցվելիք շենքերի կեսը: Քաղաքը հիմ- նականում կտարածվի դեպի հարավ-արևմուտք՝ Հրազդանի աջ ափով: Ամբողջովին կվերակառուցվի քաղաքի կենտրոնական մասը:

Հրազդանի ձորի վրա կկառուցվի նոր կամուրջ: Բացի մի քանի ճոպանուղիներից (Նորք, Ծիծեռնա- կաբերդ և այլն), Թամանյան փողոցի վերջավորու- թյանը կկառուցվի ինքնաշարժ ելարան (էսկալա- տոր), որը քաղաքի կենտրոնը կմիացնի Հաղթանա- կի գրեսայգու և Թբիլիսյան պողոտայի հետ:

Հրազդանի ձորը կդառնա հանգստավայր: Այնտեղ կստեղծվեն 150 հեկտար տարածությամբ նոր գրեսայգիներ: Առաջիկա 15 տարում քաղաքի կա- նաչապատված տարածությունները կկազմեն 8 000 հեկտար: Հրազդան գետի, Գետառի, Նորքի և Ար- տաշատի ջրանցքների վրա կստեղծվեն նոր լճեր (բացի «Երևանյան ծով»-ից), որոնք կնպաստեն քաղաքի կլիմայի մեղմացման: Քաղաքի հյուսիսային մասում կկառուցվեն հանգստավայրեր: Կընդարձակ- վի հասարակական սենդի, մշակույթի, կենցաղային սպասարկության հաստատությունների թիվը:

Հայաստանի բնակչությունը.— Կենտրոնական վի- ճակագրության տվյալների համաձայն, առ 1-ը հուն- վարի 1966 թվականի Սովետական Հայաստանի բնակչության ընդհանուր թիվը կազմում էր 2 200 000 մարդ: 1827-ից մինչև 1920-ը Երևանի բնակչությու- նը աճել է 4 անգամ, իսկ վերջին 44 տարում, 1920— 1964-ին՝ 12 անգամ:

Ուսումը Հայաստանում.— Անցյալ 1965 թվականին Հայաստանի հանրակրթական դպրոցներում սովո- ռողների ընդհանուր թիվը եղել է 529 900 հոգի, կամ 37 500-ով ավելի քան 1964 թվականին:

Բարձրագույն ուսումնական հաստատություննե- րում սովորող ուսանողների թիվը կազմել է 88 929 հոգի, իսկ միջնակարգ մասնագիտական ուսումնա- կան հաստատություններում՝ 31 881 հոգի:

Պերճախոս թվեր.— Ծանր արդյունաբերության հետ միասին Հայաստանում արագորեն զարգանում է նաև թեթև արդյունաբերությունը: Այդ մասին են վկայում ստորև բերված թվերը:

Անցած 1965 թվականին Հայաստանի գործարան- ներում արտադրված է.

Գործվածքներ, 82 700 000 քառակուսի մետր, որից շուրջ 70 000 000 քառակուսի գործվածքներ են.

Պատրաստի հագուստներ, 64 000 000 ռուբլու արժողությամբ.

Վերին և ներքին տրիկոտաժողեն, 42 000 000 կտոր.

Կանացի և տղամարդկանց գուլպաներ, 49 200 000 գույգ.

Կոշիկ կաշվից, 7 800 000 գույգ.

Շաշարսուկազ, 32 900 տոննա.

Օճառ, 19 800 տոննա.

Վամացույցներ զանազան, 2 788 000 հատ:

Վերոհիշյալ ապրանքներից 1965 թվականին այ- տադրված է 6-ից մինչև 47 տոկոս ավելի, քան 1964 թվականին:

Երևանյան նոր ջրմուղ.— Վերջին 15 տարում Երևանի ջրմուղի հզորությունը գրեթե եռապատկվել է, սակայն քաղաքը նորեմ ջրի պակաս է զգում: Քա- ղաքի բնակչության աճի հետ միասին ավելանում է նաև ջրի պահանջը: Բայց դա ջրի սակավության հիմնական պատճառը չէ:

Պատճառն այն է, որ մայրաքաղաքի ջրմուղի ջրի երկու երրորդը կլանում են գործարանները՝ արտա- դրական ու տեխնիկական կարիքների համար: Այս բացը վերացնելու նպատակով քաղաքային իշխա- նությունները կառուցում են նոր ջրմուղ հատկապես գործարանների կարիքների համար: Նոր ջրմուղը սկիզբ է առնելու Կապույտ լճից, որը գտնվում է մայրաքաղաքից 18—20 կիլոմետր դեպի հարավ- արևմուտք, Արարատյան դաշտում:

Այս լիճը գոյացել է բնական աղբյուրներից: Ջուրը լճից դուրս հոսելով առաջացնում է ճախճախոտ- ներ: Ահա այդ դուրս հոսող ջրերն են, որ պետք է օգտագործվեն: Լճի ափին դրվում են 6 հզոր ջրհան- ներ, որոնք վայրկյանում կարող են մղել 3 000 լիտր ջուր: Դուրս մղված ջուրը արհեստական ճնշման տակ խողովակներով անցնելու է 10—12 կիլոմետր և լճի մակերևույթից բարձրանալու է 200 մետր, որից հետո ինքնամղումով կհոսի դեպի քաղաք, դեպի կարգավորման հսկայական ջրամբարները, որտեղից ջուրը բաշխվելու է գործարաններին:

Նոր ջրմուղի առաջին հերթը պատրաստ կլինի այս տարվա մայիսին:

Փապուղիներ լեռնացքներում.— Բզովդալի կամ Պուշկինյան լեռնացքը շուրջ 3 000 մետր բարձու- թյուն ունի: Խճուղային ճանապարհը Կիրովականից սկսվում է և անցնում այդ վտանգավոր լեռնացքով դեպի Ստեփանավան: Ձմեռը ճանապարհը փակվում է ձյան պատճառով:

Կառավարության որոշմամբ կառուցվելու է ավտո- մոբիլային ճանապարհ լեռնացքի տակով: Դրա համար փորվելու է փապուղի 1 850 մետր երկարու- թյամբ: Փապուղին սկսվելու է Բզովդալ գյուղի մոտ և դուրս է գալու Հերհեր գյուղի մոտերը: Փապուղու շնորհիվ Կիրովական—Ստեփանավան ճանապարհը կկրճատվի 12 կիլոմետրով և երթևեկությունը կդառնա անվտանգ: Կառուցման աշխատանքներն արդեն սկսվել են:

Նախատեսվում է այդպիսի փապուղի կառուցել Ագարակից (Մեղրու շրջան) դեպի Քաջարան (Ղա-

փանի շրջան) տանող ավտոմոբիլային խճուղու վրա: Փապուղու երկարությունը կլինի 9 300 մետր:

**Վիտամինների գործարան Երևանում.**— Երևանում սկսվել է մի նոր, հետաքրքրական գործարանի կառուցումը: Դա վիտամիններ արտադրող գործարանն է: Այն կլինի խոշորագույններից մեկը Սովետական Միությունում:

Գործարանը թողարկելու է մեծ քանակությամբ գանազան տեսակի վիտամիններ: Նոր գործարանի համար իբրև հումք կծառայեն ինչպես մյուս հանրապետություններից ներմուծվող նյութերը, այնպես էլ Հայաստանի քիմիական գործարանների արտադրատեսակները:

**Կիրովական քաղաքի նոր հատակագիծը.**— Հայաստանի պետական շինարարական կոմիտեն վերջերս հաստատեց Կիրովական քաղաքի գլխավոր հատակագիծը, որը կազմված է Հայաստանի պետական նախագծային ինստիտուտի կողմից:

Ըստ նախագծի, քաղաքը կունենա 9 շրջան՝ կենտրոնական, արևելյան և արևմտյան: Յուրաքանչյուր շրջան կունենա մշակութային-կենցաղային հաստատությունները: Քաղաքի կենտրոնում կկառուցվեն նոր խոշոր կինոթատրոն, համերգային դահլիճ, մշակույթի պալատ, ծածկած շուկա, հասարակական վաճառատուն և կենցաղային սպասարկության այլ հաստատություններ: Քաղաքը հիմնականում կառուցապատվելու է 4—5 հարկանի շենքերով, սակայն կկառուցվեն նաև 9—12 հարկանի մի շարք շենքեր:

Մեծ ուշադրություն է դարձվելու քաղաքի կանաչապատմանը: Յուրաքանչյուր շրջան կունենա իր զբոսայգին և սպորտային հարմարությունները:

**Առողջապահական նորակառույցներ.**— Առողջապահական գործի բարելավումը Երևանում նոր թափ է ստանում: Հրազդանի աջ ափին սկսվել է հիվանդանոցային խոշոր ավանի կառուցումը: Հիվանդանոցային շենքերը կունենան 750 մահճակալ: Բացի այդ, ավանը կունենա հատուկ բուժարան, ստողչա-

րան, ատամնաբուժարան, ուղիղուղիայի բաժանմունք: Ավանի կառուցումը կսկսի մի քանի տարի:

Առողջապահական շենքեր են կառուցվում նաև քաղաքի այլ մասերում: Օրբելու փողոցի վրա կառուցվում է 180 մահճակալով նոր հիվանդանոց, որի սուաջին հարկում կբացվի բուժարան:

Լիարկիրում և Ավանում կառուցվում են արհեստանոց-գործարաններ, որոնցից առաջինը թողարկելու է «Հեմագլոբոլին» դեղը, իսկ երկրորդը արտադրելու է բուժական կահավորանք:

**Անվանի կինոռեժիսորի անվան.**— Հայ ակաճավոր կինոռեժիսոր Համո Բեկնազարյանի հիշատակը մավերմացնելու համար, Հայաստանի կառավարության որոշմամբ, «Հայֆիլմ» կինոստուդիան կոչված է նրա անվամբ: Համո Բեկնազարյանը հայկական կինեմատոգրաֆիայի հիմնադիրներից մեկն է եղել: Նա եղել է քննադրիչը այնպիսի հիանալի ֆիլմերի, ինչպիսիք են «Պեպո», «Նամուս», «Ջանգեղուր», «Դավիթ բեկ» և այլն:

**Հայկական բյուրեղապակի.**— Նոր հիմնվող Արովյան քաղաքից ոչ հեռու կառուցվում է բյուրեղապակու և ընտիր տեսակի ամանեղենի խոշոր գործարան: Գործարանը սարեկան կթողարկի 30 000 000 կտոր բյուրեղաարակյա և այլ տեսակի իրեր: Իբրև հումք գործածվելու է երևանիտ կոչվող նյութը, որը կմատակարարի Հրազդանի (Ախտայի) ապագա լեռնաքիմիական գործարանը, նեֆելինային սիենիտների վերամշակման միջոցով: Մինչ Հրազդանի գործարանի թողարկումը, բյուրեղապակու գործարանն այդ հումքը կստանա քիմիայի ինստիտուտի փորձնական գործարանից:

Գործարանի կառուցման աշխատանքներն ընթանում են հաջող: Անցյալ 1965 թվականի բոլոր առաջադրանքները շինարարները գերակատարել են: Նախատեսված բոլոր արտադրական շենքերը կառուցման ընթացքի մեջ են: Կառուցվում է նաև բանվորական ավան:

Գործարանը պատրաստ կլինի 1967 թվականին:

